

I. N. 3.
 DISSE^TATI^O GRADUALIS,
 DE
NOTIONE
 VOCIS

GEN. I: 6.

QUAM

Conf. Ampl. Facult. Philos. in Reg. Acad. Aboënsi,

P R A E S I D E

**LAURENTIO O.
LEFREN,**

L. L. O. O. & Græc. Profess. Reg. & Ord.

Publicæ Bonorum Censuræ subieciet Stipendiarius
Regius

MATTHIAS SIMELIUS,

Austro-Finlandus.

Anno M D C C L X X V Die IV. Martii,
In Auditorio Majori L. H. Q. S.

A B O Æ

Impressit JOHANNES CHRISTOPHORUS FRENCKELL.

Consultissimo atque Integerrimæ Fidei Viro,
Dn. GABRIELI WALLENIO,
JUDICI territoriali Vicario & PRÆTORI Ordinario,

NUTRITIO PROPENSISSIMO.

Praestantiam hominum alii alia metiuntur ratione. Sunt qui omnem virtutis laudem in pictis aut fictis majorum imaginibus ponunt; sunt qui gloriam ex mucrone suspensam putant; sunt qui vana titulorum aura vesci in rebus habent pulcherrimis; sed sunt denique, qui tum demum se verum vita decus adeptos existimant, cum subsidiis optimarum Litterarum ornati spartam, quam nocti sunt, pulcherrime ornant, cum sua industria patriam intra patriam dilatare satagunt, aliosque, ut idem faciant, partim consilio, partim exemplo excitant. Quos quidem ultimos dum laudo, Tuam, Patrone Optime, imaginem vitae conseruandisque exprimo. Quantum Tū prestitum studiis Litterarum statuas, quantoque favore cultores earum excipias, ipse innumeris didici experimentis; quanta dexteritate & integritate ad officium faciendum incumbas, uno ore testantur omnes, qui Tui cognoscendi ocepcionem habuerunt; quanta autem solertia ac industria studium Oeconomicum ipso opere excolas, seri etiam nepotes loquentur, quam diu larga frumenta lœtitia proventum ex amoenissimis pratis & fertilissimis agris, quos partim ex limosis paludibus, partim ex saxosis collibus maximis impensis parasti. Meum erit Tuam benivolentiam, indeque profecta beneficia animo, quam eloquio prolixius adgnoscere, & pro Tua Tuorumque perenni felicitate sincera nuncupare vota, ad extreum vitæ halitum permanfurus

Integerrimi Æstimatissimique Nominis Tui

*Cultor humilissimus
MATTHIAS SIMELIUS.*

Nulla reperitur lingua, cui hoc non accidat, ut alias atque alias habeat mutationes. In his primum sibi locum vindicat ea, qua vocabula veteres amittunt notiones, adscitis novellis, quæ illis interdum prorsus contrariæ videntur. Hæc novæ, ubi aliquamdiu invaluerunt, pro primariis se gerere solent, idque ea interdum solerter, ut nemo fere homo aliud sibi persuadeat. Quid? Quod casus sint, in quibus notiones vocum primitivæ, quæ adhuc supersunt, ita obfuscantur a derivativis, ut difficillime adgnosci possint. Hoc nunquam accidit frequentius, quam ubi usu venit, ut significationes vocum secundariæ contradictorie oppositæ sint primariis. Non desunt, qui omnem hanc difficultatem tolli posse putant, si insitis proficiendi subsidiis diligenter utamur, in primis, si antecedentia & consequentia quorumlibet textuum sedulo conferantur, si materiae substratae natura solerter excutiatur, si loca auctorum parallela studiose comparantur; sed dudum docuit experientia, omnia hæc subsidia parum efficere, nisi iis adjungantur auxilia aliunde arcessita, utpote ex linguis cognatis, ex versionibus Scriptorum antiquioribus, ex monumentis historicis, & si quæ sint generis ejusdem. Hoc si negas, parum te in palestra philologica exercitatum esse, ipso opere fateris. Fieri enim quandoque potest, ut vox aliqua hic & nunc se ad significationes ediametro oppositas indifferenter habeat, sine ulla pugna antecedentium & consequentium, fieri potest, ut materia substrata æque hanc, atque illam ex duabus contrariis admittat; fieri potest, ut singula loca parallela ejusdem inveniantur indolis. Hoc in iis potissimum linguis locum habet, quæ dudum sunt mor-

tuæ, in primisque iis, quarum paucæ supersunt reliquæ. Ex hoc genere est lingua Hebræa, qua nihil scriptum hodie invenitur præter Sacrum Codicem Veteris Foederis, cuius moles valde est exigua, si cum iis conferatur divitiis, quas fortuna ex Scriptis Græcorum atque Latinorum etiamnum supereffe voluit. Qxod si igitur quis exemplum desideret vocabuli Hebræi, ad quod applicari quodammodo possint, quæ hic breviter monuimus, illud suppeditare poterit vox יִקְרָא, quæ Geneseos Cap. I. com. 6. legitur. Hujus nominis veriorem notionem, cum hac Dissertatiuncula eruere constituerimus, Te Lector Benivole, quo decet, studio & officio in antecessum rogamus, ut conatum nostrum, qua soles benivolentia excipias, teriorem forte habiturus tractationem, si fortuna nobis plus temporis aut facultatis concedere voluisse.

§. 11.

Quamvis inter solidum & fluidum, compressum & dilatatum, compactum & extensum tanta reperiatur pugna, ut major locum habere nequeat in notionibus, quæ uni eidemque voci tribui possint ab interpretibus, nihilo tamen minus tam pugnantes notiones nostræ voculæ tributas fuisse, cognovimus, idque tanta utrinque confidentia, ut, utri te parti adjungas, non facile reperias. Si puris putis interpretum auctoritatibus standum foret, idque semper verius existimandum esset, quod pluribus placuisse Scriptoribus, illico acceptanda esset sententia eorum, qui notionem compressi aut compacti, adeoque solidi huic voci subesse crediderunt. Verum cum experientia quotidie doceat, quam lubrico & infido se tramiti committant, qui sola auctoratum traha ad templum veritatis contendunt; facile intelligitur, prius audiendas & expendendas esse rationes, quibus utrique contradicentium sua superstruant judicia, quam quid verum aut falsum sit, decernamus. Rationes deinceps adducere instituimus. Nunc nuda

nuda recensebimus suffragia interpretum, qui alterutram pugnantium translationum secuti sunt. Primum igitur audiendi sunt interpretes orientales. Horum alii ipsam vocem רקיִע retainent, alii diversis quidem vocabulis utuntur, sed ita tamen, ut aliquid solidi atque firmi ob oculos habuisse videantur. Mox igitur ad Europaeos pergimus. Horum agmen ducunt SEPTUAGINTA SENES, ut vulgo adpellantur, qui priscam versionem Graecam edidisse creduntur. Hi vocem רקיִע reddiderum ~~ęęę~~.

wua quod *firmamentum* valet, a ~~ęęę~~ *solidus*, adeoque *firmus*. Hos secutus est **LATINUS** INTERPRES VULGATUS, qui *firmamentum* transtulit, quam quidem translationem deinceps fere adoptarunt quotquot vidimus interpretes, qui Sacras Litteras in linguam Latinam transfuderunt, utpote **PAGNINUS**, **MUNSTERUS**, **TREMELLIUS**, **CLERICUS**, **SCHMIDIUS**, uterque **OSIANDER**. Solus S. CASTELLIO aliam ingressus viam, *liquidum* exponit. Quod ad ceteros interpretes *Europaeos* adtinet, plerique *Vulgatam* versionem Latinam sequuntur. Sic **LUTHERUS**: eine Feste transtulit, **SVECUS**: et Faste, **FENNICUS** *Bahwus*. Anglus firmament. Polonius-Rozpostarcie. Contra notionem expansi aut extensi sequuntur plerique recentionum, utpote *Diodatus*, qui *Distesa*, *Estonicus* *Laatus*. *Belgicus*, qui *Uyt spansel*, *Gallicus*, qui *un etendue*. Sveci recentes qui, en wib rhym, *Danus* utramque notionem conjungit quod & plures faciunt, alteram in textu, alteram in notis ponentes, & Dn. **MICHAELIS** transfert *Füßboden*.

§. III.

Hactenus, pro ratione instituti, potiores adduximus auctores, qui *firmamentum*, & qui *expansum* voce יְקִיּוֹ denotari, sciverunt. Nunc ad *rationes*, quæ utraque ex parte pugnant, seorsim exponendas & expendendas accedere volumus. Quoniam vero adhuc tertium protulimus placitum, doctissimi nimirum **SEBASTIANI CASTELLIONIS**,

ONIS, qui neutri se parti ad sociavit, sed singularem ele-
git opinionem, qua, ut vidimus, hac voce liquidum si-
gnificari, conjectit, in antecessum, quid de hac hypothe-
si ex lege veritatis tenendum sit, paucis exposuisse juva-
bit. In omni quæstione Philologica duo spectanda sunt,
naturæ constitutio in subjecto, & *linguæ consuetudo* in præ-
dicato. Quod horum alterutri, sin minus utrique, repu-
gnat, id pro spurio habendum est, qvanta demum cun-
que veri similitudine se altera ex parte commendare pos-
sit. Quod ad placitum CASTELLIONIS adtinet, nihil
id, nostro quidem judicio, continet, quod naturæ sub-
jecti adversatur. Priusquam enim id producebat DEUS,
quod MOSES nomine יְהָוָה venire voluit, ea erat con-
ditio telluris, ut nisi illud effectum fuisset, æterna nebu-
la involvi debuisset, nubibus undique superficiem lam-
bentibus. Quum igitur DEUS hanc nebulam ad deter-
minatam distantiam a superficie terræ recedere juberet,
idque optimo efficaret consilio, ut quemadmodum SI-
LENUS apud VIRGILIU M Eccl. VI. canit,

*Altius mox caderent, submotis nubibus, imbres, tunc in-
ter aquas superiores, quæ in nubibus hospitantur, & a-
quas inferiores, quæ in mari bus commorantur, relictum
fuit spatum aliquod serenum materia repletum aërea, cu-
jus et fluida et perlucida est natura.* Hoc spatum, ideo
יְהָוָה dictum, judicat CASTELLIO, quod *liquidum* est, i-
psamque adeo liquiditatem denominandi rationem contine-
re, subsumit. Hanc subsumptionem valde scitam reique aptam
esse, ambabus concedimus manibus, eo que libenter, quod u-
noverboplures subjecti qualitates perspicue repræsentet. Num
vero ideo vera & certa sit, id paucis jam disquirendum.
Quemadmodum, qui in foro versatur, male causam agere
censetur, nisi id, quod sibi probandum sumvit, duobus
saltim testibus probare possit; ita in Philologicis necesse
est vacillare omnia, nisi cum testimonio *Physico* testi-
monium

mōnium Grammaticum constanter conjunxeris, Atque hic ille est defectus, qui hypothesin premit CASTELLIONIS. Voci enim יְהִי ex usu linguae notionem liquidū competere; nunquam ab eo probatum est, nec probari unquam poterit.

§. IV.

His igitur praemissis, ad rei qua duo placita, quae plus sane probabilitatis prae se ferunt, pedem promovere convenit. Modo a nobis monitum est, ad decidendas caussas Philologicas duo ad minimum requiri testimonia, quorum alterum ex constitutione rei naturae, alterum ex consuetudine linguae desumi debet. De utroque igitur seorsim, sed paucis agendum. Non minus verus, quam vetus est canon: *talia sunt praedicata, qualia permittuntur esse a suis subjectis.* Subjectum praedicati יְהִי esse Cælum, idque vel inferius, in quo meteora hospitantur, vel superius, in quo sidera circumaguntur, adeo certum est, ut chartam perderemus, si id nobis hic demonstrandum sumeremus. Omnis igitur quaestio huc redit, utrum cælum, sive aereum, sive æthereum, ita comparatum sit, ut praedicatum solidi aut expansi admittere possit? Qvoniā voro gemina est quaestio, partiri eam convenit, et de utraque parte seorsim agere. Primum igitur hic quaeritur, quid naturae rei vel adversum vel congruum contineat decretum LXX. interpretum, qui יְהִי voce טְהִרָּה reddendum censuerunt. Vastum illud spatium, quod cælum adpellamus, materia quadam solida neque absolvī, neque repleri, a Physicis nostri, praecedentisque seculi firmissimis argumentis evictum est. Hoc instar lemmatis, brevitatis caussa, adsumimus. Quo concessō, statim ad quaestionem negative responsum videri posset, adeo ut uno hoc istu omnis haec hypothesis subversa esset. Sed cum hoc animadvertunt, qui pro ea pugnant, hanc sibi exce-

exceptionem dari postulant, lingvas, praesertim priscas, non excusas esse a Philosophis naturae consultis, sed ab ipsa inficeta plebecula, quae rebus nomina suis confona praejudiciis inponere saepe solet. Haec quidem exceptio, nostro certe judicio, eo minus iis neganda videtur, quo certius constat, non rudem tantum plebem, sed doctissimos quoque Philosophos apud gentes Orientem spectantes solem, cælum sibi solidum finxisse. Eadem fuit opinio multorum Philosophorum Graecorum, qui sua arva ex lacunis orientalium irrigare solebant. Sic CHALDAEOS, qui globum nostrum in medio ponebant mundo, eumque hoc loco, pressione incumbentium undiquaque cælorum, contineri judicabant, secuti sunt Philosophi variarum sectarum apud Græcos, utpote STOICI ipsique PLATONICI atque PYTHAGORAEI. Eandem deinceps opinionem ex iis mutuo sumsis CICERO, qui cælum omnia non tantum cingere, sed etiam coercere, docet. Lib. II. de Nat. Deorum. Qui cetera, quæ diximus, testimoniis veterum confirmata videre volent, ii evolvere poterunt JOH. CERICI Commentarium ad hunc locum, & auctores, quos ille citat, adductis non nullorum verbis, quae hic describere vetat chartae angustia. Non quidem ignoro, quid hic obverti possit, nomen nempe יְהוָה ab ipso Deo inventum, cæloque impositum esse, nec posse quemquam sine manifesta impietatis professione Deum sibi fingere, qui sua verba ad erroneous vulgi conceptum aut cerebrosa Philosophorum somnia adcommodet. Hanc vero objectionem plus pietatis, quam veritatis spirare, demonstratu effet facillimum, si locus et tempus pateretur. Nunc verbo rem tetigisse sufficiat. Quando enim Deus loquitur, tum non Divina sed humana utitur lingua. Alias enim a nemine intelligeretur. Quales igitur lingvas invenit, tales eas adhibet. Hoc probat tum *finis* Dei loquentis, tum usitata Scripturae formula

In בָּלְשׂוֹן נַעֲמָן, *lingua humana*. Nec satis intelligo, quam
pium eslet, ex Deo Optimo, Maximo novellæ cujusdam
Grammaticæ doctorem facere, cum omnia, quæcunque
vult, iis verbis, quæ jam habent lingvæ, satis et com-
mode et distincte hominibus proponere possit. Quid ve-
ro multis? Res est nihilo minus salva. Ipsa Scriptura Sa-
cra, ubi de nubibus loquitur, verbis quandoque utitur,
quae notionem firmitatis citra controversiam tuentur, id
quod vel locus Prov. VIII. 28 ostendit. Quid? quod hu-
jusmodi locutionibus nihil plane erroris subsit. Hodier-
ni enim Philosophi innummeris experimentis demon-
strant, aëri prementem quandam gravitatem competere,
vi cuius omnia continentur et coëcentur corpora, sine
ea in pulverem subito abitura. Ex his igitur haud obscu-
re constat, nihil adesse ex parte rei, quod impedit, quo-
minus vox עִקֵּר טֶרֶןָא seu firmamentum reddi possit.
Quidquid de voce firmamenti sit, nomen certe Graecum
τερενα εο minus incommodum haberi debet, quo certius
constat, illud adhiberi solere in scientia Geometrica ad de-
signanda corpora Mathematica, quorum notio in pura pu-
ta versatur extensione nihil solidi physici involvente.

§ V.

Jam altera succedit quaestio, quid tenendum sit de
hypothesi recentiorum Philologorum, qui nomen רְקִיעָה
spatiu quoddam extensum interpretantur. Hanc quoque
quaestionem ex methodo, quam hactenus secuti sumus, tra-
ctare placet, ita ut prius quaeramus, quam apte haec no-
tio cum ipsa rei natura conveniat, quam quid usus lingvæ
aut svadeat, aut prohibeat, investigemus. Illud sine ulla
formidine oppositi statim adfirmare possumus. De hoc
vero deinceps disquiremus. Qui cælum intuetur aëreum,
is nihil aliud oculis percipit, quam spatiu aliquod ex-
tensum, quod ex una parte globi hujus terrauei super-
ficie,

ficie, ex altera vero nubibus terminatur. Tantumque abest, ut vulgus hic aliquid solidi inveniat, ut potius, cum *serenum* est cælum, hoc *spatium* perfecte vacuum esse opinetur. Cumque vulgus lingvas fabricare soleat & per imperitiam in impositione nominum aliud judicium sequi non possit, quam sensuum, ad hoc omnia fere vocabula primam sui originem referunt. Nec aliud oculis nostris tum occurrit, cum eos ultra nubes elevatas immensum intuentes spatium, in quo exercitus sidereus cursum absolvit. Spatium tantum spatio adjicimus, nec aliter inferiorem & superiorem cœli regionem intuemur, quam inferiorem & superiorem ædificii contignationem oculis subjicere solemus. Nemo igitur homo est, quin hanc notionem rei convenientem adgnoscet, eamque statim pro aptissima atque verissima habeat, simulac vocabulum Hebraicum ex usu linguæ eam admittere dicerit, quod mox probatum ibimus. Atque hæc vera est ratio, quod Præses meus, cum iis, quorum interest, novam exhiberet versionem Libri Geneeos, pro voce *Fæste*, quam vetus interpres habet, vocem *Rynd*, tanquam aptiorum ac veriorem adoptaverit, neglecto tamen epitheto, quod in specimine typis nuper expresso atque vulgato legitur, non quod conceptum extensionis aut expansionis alienum judicaverit, sed quod eum in ipsa notione spatii latere existimaverit. Qvamvis igitur hæc notio cum re ipsa amice conspiret, inde tamen statim non sequitur, quod pro verasit adgnoscenda. Plures enim notiones de veritate sibi gratulari possunt. Hanc igitur quæstionem solvet usus linguæ, ad quem expromendum & confirmandum nunc demum progredi licet.

§. VI.

Quoties vox יְהֹוָה in Sacris Litteris occurrit, toties eandem fere notio retinet. Nunc enim generatim cælum, nunc Speciatim vel aëream, vel ætheream cæli regionem significat; præter unum alterumve locum, ubi ali-

aliquid cælo simile denotat. Omnes hæc notiones mere materiales sunt. Quid formaliter dicat, altum ubique silentium est. Quod si igitur *notionem* vocis *formalem* | invenire velimus, ad *radicem* est recurrentum. Ea quidem obvia est sæpius, sed ita tamen, ut fere non nisi *materiam* *significandi* *poteſtatem* prodat. Quidquid enim de *formali* ejus *significatione* hactenus inter Philologos disputatum est, id ultra primum probabilitatis gradum vix ascendit. Hanc igitur ex tantis tenebris, quantis adhuc obruta jacet, eruere & plena atque clara in luce colloquere, hoc opus hic labor est. Quæ in Lexicis occurunt conjecturæ, eæ partim precariæ sunt, partim obscuræ atque confusæ, immo ita interdum aliæ aliis contrariæ, ut quid verum, quid falsum sit, difficultime adgnosci queat. A linguis cognatis multum sæpe lucis vocibus Hebraicis adfundit solet, sed hic spem omnes fallere videntur Dialecti. Quo enim plures earum consulimus, eo plus contrarietatis emergit, & eo minor quoque adparet spes ad simplicem illam significationem, unde omnes *primitus* profectæ sunt, perveniendi. Quam vere hæc dicantur, id facile cuique constabit, qui evolvere voluerit vocabularia, indeque condiscere, quam dissonæ sint significationes, quas Hebraici, Chaldaici, Syriaci, Arabesque Lexicographi huic verbo tribuerunt. Hujusmodi collectionis Specimen hic paucis dedisse non pœnitentebit.

In Lexicis igitur HEBRAICIS occurunt significatiōnes *extendendi*, *diducendi*, *attenuandi*, *percutiendi*, *calcandi*, *plaudendi*. In CHALDAICIS idem verbum significare dicitur: *rupturam affuto frusto refecit*, *eduxit*, *incendit*, *prædatus est*; In SYRIACIS: *firmavit*, *fundavit*, *stabilivit*, *compressit*, *constrinxit*; In ARABICIS: *vestem affuto panno reparavit*, *puteum stipavit*, *ne corrueret*, *adversarium hastæ confudit*, *lagitta scopum adtigit*, *dicteris proscidit*, *satyræ perstrinxit*, *festinavit*, *mente laboravit*, *ex bucillis*

descidentes partes inter edendum *expansa many* exceptit, & alia. Quamvis autem hæc maxima sit discrepantia, ea tamen adhuc majora parebit si, vocabulorum inde descendantium varietatem adponere velimus. Ex verbo enim γρά derivata invenimus nomina cæli, cæli septimi aut octavi, DEI, pulvilli, panniculi, veteramenti, vestimenti, velamenti, Schedæ, chartæ, tabulæ, paginæ, folii, spatii, lamineæ, vecordiæ, remedii, strati coriacei, in quo Iusus latrunculorum exercetur, sonus sagittæ scopum penetrantis & alia non pauca. Quis non doleret sortem viri utcunque docti, cui imposita esset necessitas omnes has dissonantias & discrepantias penitus tollendi, idque paucis efficiendi pagellis, ut quilibet Lector detectam cerneret primævam vocis significationem, veramque perspicceret rationem, qua reliquæ ex hac, tanquam ex radice propullularint? Nostri certe ingenii modulum hoc opus longe superat. Interea, cum nihil criminis in conatu insit, quid præstare possimus, hoc specimine experiendum duximus.

§. VII.

Cunctis in linguis plurimas occurrere familias vocabulorum, quæ prima significationum initia a sonis rerum inarticulato repetunt, passim observant Lexicographi. Quam vere hoc ab iis fiat, luculentis rerum testimoniis, pro more suo, solidissime demonstravit Germanie Esdras & Academiæ Gottingensis illustrè decus S. H. T. JOH. DAV. MICHAELIS, in Tractatu Germanico, in quo judicia critica de subsidiis restaurandæ dudum emortuæ Hebræorum linguæ, non minori ingenuitate, quam dexteritate exercet. His verborum familiis adnumerandum opinamus verbum γρά cum derivatis. Quod ut rite demonstrare possimus, in subsidium vocasse juvabit vulgatam quandam observationem Philologicam, quæ docet, gentibus Orientem incolentibus nulla esse verba ex præpo-

præpositionibus composita, ob eamque caussam his usū
receptum esse, verbis suis simplicibus quam sèpissime
eas exprimere notiones, quæ in linguis Europæis utro-
que verborum genere exprimi solent. Hoc præstructo
fundamento, ad ædificium hypotheseos exstruendum pro-
pius accedimus. Verbo עַר aliquid onomatopoëtici sub-
esse, initio hujus disquisitionis non suspicati sumus. Pri-
mam enim ansam in hanc incidendi opinionem præbuit
evolutio Lexicorum Arabicorum. Simul enim ac ibi in-
veneramus nomina עַקְרָב & עַנְקָר, quorum hoc gene-
ratim strepitum seu tumultum, illud speciatim sonum, quem
edit sagitta cum scopum penetrat, statim in mentem
veniebat, fieri omnino posse, ut radicis עַר primigenia
potestas sita sit in sono rak, quem scopus sagitta pertusus
fundit. Nam cum littera ר stridulum, פ fragosum & ו
confusum efficiat sonum, scopus vero sagitta contusus
atque penetratus eodem modo mixtum repercutiat stre-
pitum, fieri non poterat, quin mox arrideret hypothesis,
eoque magis, quod litteræ r. & f. in formandis onomato-
pœiis, quæ sonis fractis originem debent, in nostra etiam
lingua frequentantur, cujus rei exempla sunt sequentia:
rackla, facla, furra, futtra, fnarra, fnarfa, fnacka, rasla,
frasla, rusfa, rucka, runcka,) & alia plura. Cum vero hæc
indicia parum probarent, necesse erat, ut accederet fortius ar-
gumentum, quod consisteret in aptitudine hypotheseos ad in-
ducendum concentum quendam harmonicum inter tot di-
screpantes sibique adversantes invicem significationes ver-
bi hujus, quot §. præced. enumeravimus. Hunc si cla-
ra & plena exemplorum inductione demonstravimus, ne-
mini dubium esse debet, quin vera & bona sit hypothe-
sis, quam ea fide adoptavimus. Nunc igitur ad demon-
strationem. Primum quidem sciendum est, illum sonum,
quem sagitta scopum penetrans edit, effectum esse actus
tundendi, quem emissâ sagitta in scopum exercet. Hinc.

statim per tritissimam Metonymiam causâ sequitur, ver-
 bum υπερ proxime significare tundere, adeoque, vi obser-
 vationis præstructæ, contundere, obtundere, pertundere.
 Jam vero tundere in mortario, Latini dicunt, idemque est,
 quod comminuere. Hinc claret potestas attenuandi, quam
 verbum υπερ tuetur II. Sam. XXII: 43. Ubi duo synony-
 ma πτυσις & πτυση præcedunt & υπερ tanquam utroque ^{su-}
^{φαλικωτερον} sequitur. Ex notione obtundendi prono dein-
 de alveo fluit notio fatui, quippe cuius obtusus est animi
 vigor, ut scripsit LIVIUS Lib. V: 18. quemadmodum ani-
 mus, cui obtusior sit acies, dicitur CICERONI in Catone
 Majori Cap. ult. qui obtundere mentem eodem sensu di-
 cit Quæst. Tusc. I: 33. Et quis tam obtuso ingenio est, quæ
 non intelligat, querit A. GELLIUS Lib. XII: 23. Hunc
 loquendi modum Orientalibus frequentatum fuisse, in-
 dicio esse videtur formula, quam VIRGILIUS Æneid.
 I: 567. tribuit POENIS, quos ita loquentes inducit: Non obtu-
 sa adeo gestamus pectora POENI. Hæc enim gens oriun-
 da ex Canaanæ lingua Hebrææ cognata utebatur, sed hæc
 obiter. Nunc ad reliqua. Quum vita & fama plerisque
 mortalium pari passu ambulare existimentur, mirum non
 est, quod notio conviciandi satyraque proscindendi locum
 invenit in radice, quæ adversarium sagittis confodere si-
 gnificat. Lingua enim sæpius quovis gladio acutior. Un-
 de lingua pungere dicunt LATINI & SVECI sticta & sticta
 pro conviciandi verbis utuntur. Notio festinationis, quæ
 nostro etiam verbo subest, rationem habet in celeritate,
 qua fertur sagitta, quæ ad scopum pervenit eumque per-
 tundit. Sveci fara som eu pil dicunt. Nec alia est ratio
 ejus notionis verbi nostri, qua bucellas ore deciduas excipe-
 re significat. Celeriter certe extendi debet manus, si excipi
 ea possit bucella, priusquam cadendo tantillum confe-
 cerit spatium, quo os a manu distat. Quomodo vero ma-
 ritus a verbo tundendi derivari potuerit, honestius retice-
 tur

tur, quam edicitur, Verbo tantum notamus, non insolens esse Orientalibus nomina sexuum desumere a verbis, quæ sic adplicata verecundia obsunt. Ex hoc genere sunt נְקַבָּה, עַלְמָה & alia. Eiusdem commatis est nomen Deæ PERTUNDÆ apud Latinos. Sed pergamus. Verbum tundere etjam de fabris dici solet. *Tudites mallei a tundendo dicti*, ait FESTUS. Sed malleo tundere metallum, alio verbo cedere dicunt Latini. Verbum igitur γέρει etjam cedere, excudere, procudere &c. significat. Sed metallum procudere est illud in longum aut latum producere. Atque ita pervenimus ad significationem extendendi & expandendi, unde nomen עֲרֹיוֹת, nostro quidem judicio, adpellatum est. Hæc ratio etjam est, cur omnia diducta atque expansa ex hac radice denominationem sortita sint, utpote lamina, charta, tabula; velamentum, vestimentum, veteramentum seu assumentum, Svetice en lapp. Quemadmodum vero in lingua nostra a nomine lapp formatur verbum lappa, ita ex nomine, quod in lingua Arabica & Chaldaica idem significat, radici nova adcrevit notio vestem assuto frusto reficiendi, unde deinceps sua sponte fluit significatio medendi, & denuo remedii. Quid? quod notio, qua maculis conspersum esse designat, haustro metaphorico ex eodem fonte exantlata sit. Quoniam vero notio velamenti cum notione cortine arcte cohæret, potuit Moses nomine עִיר intelligere tentorium, Svetice et tält, en paulum Porro ex notione tundendi fluit quoque actio calcandi, Svetice stampa, trampa. Hæc significatio locum habet Hezech. VI:11. ubi formula occurrit בְּרֵגֶלךְ עַקְוִי, & pedetuo calca, staira pa med foten. Eodem vero modo, quo Svecanum trampa de actu farciendi & comprimendi adhibetur, adhiberi etjam solet verbum Orientale γέρει. Hinc in Syria smonata est notio comprimendi, quæ sui vestigium reliquit in versione Novi Testamenti Lucæ VI:38. ubi de mensura bene farcita prædicatur, Svecanoque stoppadt respondet. Quæ autem comprimum.

muntur, ea *fixa*, *firma*, *solida* & *stabilit̄* fiunt, unde ratio constat, cur Syriis fundare, firmare & stabilire significet, & cur LXX. Interpretes vocent *firmamentum* & Vulgatus *firmamentum* transtulerint. Pressius *calcandi* notionem fecutus est, quem modo laudavimus Dn. J. D. MICHAELIS, qui Fussböden h. e. pavimentum exposuit. Hoc si nostra lingua reddeatur, paulo specialius adhibendum foret vocabulum *Troßbotn*, quo illud indigitatur pavimentum, quod superiorē atque inferiorem ædificii contignationem discriminat. Posset etiam simpliciter *troßning* transferri. Una adhuc notio excutienda restat, antequam finem opellæ imponamus. Ea est Arabica & locum habet in puteo *stipando*, ne corruat. Hæc itidem a *tundendi* notione manat. Notionem *comprimendi* modo adstruximus. Hic notio *imprimendi* obtinet. Puteum enim *stipare* nihil est aliud, quam palum juxta palum ad latera putei terræ perpendiculariter intrudere. Si quis hac usus notione ex nomine *טְבֵן* exsculpere vellet *spatium convexum*, et *hwalf*, nihil certe neque indoli objecti, neque notioni vocabuli adversum fingeret. Si quis vero simul adtendere vellet ad notiones, quibus radix maculis distinctum & laciniis consutum denotat, optimè quidem ob oculos poneret faciem cœli, quatenus cortinam refert nunc ampliorem, stellis tanquam punctis ornatam, nunc arctiorem, nubeculis tanquam panniculis consutam; sed jure tamen veremur, ne sic ornatiorem, quam solidiorem vocis interpretationem haberemus. Interea, quænam ex allatis optima haberi debeat, id Lectoribus di-
judicandum relinquimus.

S. D. G.